

**FERIA 5. DIE IOUIS 15.
DECEMBRIS 1633. IN
GENERALI
CONGREGATIONE
SANCTAE ROMANA, ...**

Chiesa Cattolica : Congregazione
dell'Inquisizione



nem, districte mandat, & præcipit, Vt omnes superiores cuiusvis Ordinis, Congregationis, Societatis, etiam de necessitate exprimendæ Regularis, aut cuiusvis alterius Instituti, etiam quantumvis exempti, & priuilegiati, etiam per amplissima priuilegia cum clausulis, ne comprehendantur in Litteris, Decretis, Ordinationibus, & Constitutionibus Apostolicis, non facientibus plenam, & expressam, ac de verbo ad verbum, ne dum ipsis Ordinibus, Congregationibus, Societatibus, & Institutis, sed etiam de huiusmodi exemptione, privilegio, vel indulto mentionem, quibus hac vice, & ad effectum præsentis decreti dumtaxat, illis alias in suo robore permansuris, specialiter expressè, & ad formam etiam generalis Constitutionis S. Sanctitatis incipientis. *Cum sicut accepimus* sub dat. Romæ die 5. Nouembris 1631. Sanctitas Sua derogauit, & derogat, cæterisque contrarijs quibuscumque, teneantur sub pœna priuationis Officij, ac vocis actiue, & passiuæ ipso facto incurrenda, alijsque arbitrio Sanctitatis Sux infligendis pœnis, in perpetuum semel saltem in anno, idest, feria sexta post Octauam Assumptionis Beatæ Mariæ Virginis in publica mensa, vel in Capitulo ad hoc specialiter conuocato, *Et insuper* in quocumque *Generali*, ac Prouinciali Capitulo, Conuentu, Dieta, vel alio quouis nomine nuncupato Capitulari Congressu, suos subditos, ac Religiosos, commonerè de iniuncta omnibus obseruantia, & executione earundem Apostolicarum Constitutionum,

&

& Decretorum ; ad Sanctum Officium Inquisitionis aduersus hæreticam prauitatem pertinentium, ac præsertim.

Iulij III. Constit. 11. incip. *Licet à diuersis*. Contra impediētes Inquisitores hæreticæ prauitatis in eorum Officio, aut in causis Inquisitionis se ingerentes, eorumque complices, & fauores : Et contra ipsos Inquisitores admittentes laycos ad criminis hæresis cognitionem. Et Pij V. Constitut. 82 incip. *Si de protegendis*. Contra occidentes, verberantes, deijcientes, aut perterrefaciētes quemuis ex Ministris Sanctissimi Officij Inquisitionis, vel Episcoporum id munus in sua Diœcesi, vel Prouincia, obeuntium, seu Accusatorem, Denunciatorem, aut Testem, in causa fidei quomodocumq; productum, vel euocatū : nec non contra diripientes, expugnantes, inuadentes, incendentes, expilantes, aliòvè exportantes alicuius prædictorum bona, libros, literas, auctoritates, exemplaria, regesta, protocolla, exempla, scripturas, aliaue instrumenta, siue publica, siue priuata, ubicumque posita, eorumque Complices, & fautores : & contra effringentes Carcerem, vel custodiam publicam, vel priuatam, extrahentes, vel emittentes Vincum, prohibentes capiendum, captumvè eripientes, recipientes, occultantes, seu facultatem effugiendi dantes, seu id fieri iubentes, eorumque complices, & fautores, etiam effectu non secuto : nullatenus excusandos, nisi claras tantummodo probationes in contrarium adducentes : &

contra Intereedentes pro præfatis delinquentibus.
Infligis contra quemlibet prædictorum poenis, quæ
damnatis ex primo capite legis Iulie Maiestatis, eo-
rumque filijs irrogantur: & oblata Reuelantibus im-
punitate.

Pij IIII. Constitut. 31. incip. *Cum sint nuper.*
Contra Sacerdotes, qui poenitentes Mulieres in actu
Sacramentalis Confessionis ad inhonestos actus pro-
uocare, & allicere tentant, & sollicitant. Et Gre-
gorij XV. Constitut. 33. incip. *Vniuersi Domini*
Gregis. Ampliatiuæ circa huius criminis probatio-
nes, & extensiuæ contra Confessarios, qui perso-
nas. (quæcumque illæ sint ad inhonesta, siue inter
se, siue cum alijs, quomodolibet perpetranda in
actu Sacramentalis confessionis, siue ante, siue
post immediatè, seu occasione, vel prætextu con-
fessionis, vel extra occasionem confessionis in Con-
fessionario, aut alio loco ad audiendam Confessio-
nem electo sollicitare, vel prouocare tentauerint,
aut cum eis illicitos, & inhonestos sermones, siue
tractatus habuerint. Et contra Confessarios non
monentes eos, quos sciunt ab alijs Confessarijs so-
licitatos esse, ut Inquisitoribus, vel Ordinarijs,
sollicitantes denuncient, vel docentes eos ad ita de-
nunciandum non teneri.

Gregorij XIII. Constit. 21. incip. *Officij vestri*
partes. De Iurisdictione Inquisitorum hereticæ pra-
uitatis in eos, qui ad ordinem Præbyteratus non
promoti Missas celebrant, & sacramentaliter con-
fessiones audiunt. Clementis VIII. Constit. 21.
incip.

incip. *Et si alias*. Declaratoria poenæ contra eos infligendæ per Iudices laycos, præuia eorum degradatione. Et Sanctitatis Sux Constit. 79. incipien. *Apostolatus officium*. extensiuæ ad minores 25. annis, dummodo vigesimum ætatis annum compleuerint.

Sixti V. Constit. 17. incip. *Celi, & Terra Creator*. Contra exercentes artem Astrologiæ Iudiciariæ, & alia quæcumque Diuinationum genera, librosvè harum artium legentes, vel tenentes. Et Sanctitatis Sux Constit. 113. incip. *Inscrutabilia Iudiciorum Dei*. extensiuæ ad alia, & cum grauioribus poenis.

Clementis VIII. Constit. incip. *Cum sciat*. Contra Italos ne extra Italiam proficiantur ad loca, in quibus liber & publicus cultus, siue vsus Catholicæ Religionis non existat, minusque eis in locis habitent. Et Gregor. XV. Constit. 28 incip. *Romani Pontificis*. Contra hæreticos, ne in locis Italiæ, & Insularum adiacentium quouis prætextu commorentur, & contra eorum fautores, & Receptatores.

Pauli V. Constit. 26, incip. *Romanus Pontifex*. Reuocatoria facultatum Superioribus quorumcumque Ordinum, & Religiosorum, quoquo modo concessarum, cognoscendi causas suorum sub litorum ad Officium Sanctæ Inquisitionis quomodolibet pertinentes.

Eiusdem Constit. 97. incip. *Regis pacifici*. Innouatoria Constitutionum à Sixto IV. & Pio V. de
Con-

Conceptione Beatæ Mariæ Virginis editarum : Impositionis maiorum pœnarum in trasgressores , à locorum Ordinarijs , & hæreticæ prauitatis Inquisitoribus puniendos. Et Greg. XV. Constit. 29. incip. *Sanctiss. D. N. auditis*, ampliatiuæ , & declarationis prohibitionis asserendi Beatam Mariam Virginem conceptam in peccato originali .

Greg. XV. Constit. 27. incip. *Romanus Pontifex in specula* . Reuocatoria quarumcumque Confessionum viuæ vocis oraculo factarum . Et Sanctitatis Suæ Constit. extensiuæ ad quoscumque quantumuis priuilegiatos , & exemptos incip. *Alias felic. rec. Gregorius Papa XV. sub Dat. Romæ 20. Decembris 1631.*

Eiusdem Constit. 40. incip. *Apostolatus officium* . Et Sanctitatis Suæ Constit. 114. incip. eo modo reuocatoria licentiarum quarumcumque legendi , & habendi libros prohibitos.

Sanctitatis Suæ Constit. 37. incip. *Sanctiss. D. N. sollicitè animaduertens* . De Imaginibus non dum à Sede Apostolica Canonizatorum , vel Beatificationum cum Radijs, Splendoribus, aut Laureolis, non proponendis. Tabellis, aut luminaribus ad eorum Sepulchra non apponendis : eorumvè gestis, miraculis, reuelationibus, Beneficiorum impetrationibus, non publicandis, aut imprimendis.

Pariter Sanctitatis Suæ Constit. 5. incip. *Sanctissimus D. N. pro debito sui Pastoralis officij* . De libris vbiicumque compositis, de quacumque materia tractantibus, ab his qui degunt in statu Ecclesiastico,

siastico, non transmittendis alio, vt imprimantur, sine Vicarij, & Magistri Sacri Palatij in Vrbe, vel extra eam sine Ordinarij, & Inquisitoris, aut ab eis deputatorum, licentia.

Et eiusdem Sanctitatis Sux Constit. sub Dat. Romæ die 5. Nouembris 1631. incip. *Cum sicut accepimus*. Quod Constitutiones Apostolicę in concernentibus Fidem Catholicam, & Sanctę Inquisitionis Officium hæcenus editæ, & in posterum etiam super quacumq; alia re edendæ, omnes Regulares quomodolibet priuilegiatos comprehendant, nisi in edendis illi specialiter excipiantur.

Et insuper ijdem Superiores teneantur curare, & efficere, vt huius Decreti exempla aliquo in loco apud eos publico affigantur, & affixa conseruentur ita vt ab eisdem subditis Religiosis omnibus videri, ac legi commodè queant. Deque huiusmodi commonitione publico documento statim certiorum facere Congregationem Sanctissimæ Inquisitionis in Vrbe. Et nihilominus voluit; vt decretum huiusmodi, seu illius exemplum intimatum. Procuratori Generali cuiuscumque Ordinis Congregationis, Societatis, & Instituti vt supra, in Vrbe degenti, vel ad Valuas Basilicarum S. Ioannis Lateranenensis, & Principis Apostolorum Urbis, & in Acie Campi Floræ, affixum, etiam absque intimatione prædicta, infra duos citrà Montes, vtrà vero Montes infrà quatuor menses ex tunc proximos omnes, & singulos eorumdem Ordinis, Congregationis, Societatis, & Instituti, Religiosos perinde

inde arctet, & afficiat, ac si commonitio, & affixio prædictæ executæ essent, & vnicuique hoc ipsum Decretum exhibitum, ac personaliter intimatum foret. Ex ita mandat, & præcipiat Sanctitas Sua.

*Io. Antonius Thomastus S. Rom. &
Vniuers. Inquis. Not.*

Anno Millefimo sexcentesimo trigesimo quarto, Indictionis ii. Pontificatus S. D. N. D. Urbani Diuina prouidentia Papæ Octauī, die verò 5. Ianuarij supradictæ Literæ siue Decretum affixum, & publicatum fuit ad Valuas Basilicarum S. Ioannis in Laterano, & Principis Apostolorum Urbis, ac in acie Campi Floræ, vt moris est per me Antonium Bardum Prælibati S. D. N. Papæ Curforem.

ROMÆ, Ex Typographia Reu. Cam. Apost.
MDCXXXIV.



